



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 4. Papæ responsum ad plures articulos Legatis datum.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI.
A. C. 1562.

lanensi Ducatu, cujus Gubernator erat, oppido necessaria esset ob recentes tumultus, quos Galli Calvinistæ in Delphinatu suscitassent, non pauci tamen suspicabantur, quod Hispaniæ Regis jussu recessisset, ne adventantibus Galliarum Oratoribus, qui indies expectabantur, in Synodo præsens adesset: quinimo eandem hanc causam Marchio allegabat in literis ad Mantuanum Cardinalem datis: interea vero Legati, quod avidè præstolabantur, Pontificis responsum acceperunt circa controversias in Congregatione die vigesima Aprilis exortas.

§. IV.

Papæ responsum ad plures articulos Legatis datum.

Pallav. cap.
8. n. 1. Et seq.

Itaque summus Pontifex præprimis suos Legatos monebat, ut in condendis reformationis decretis multa uterentur prudentia, ac moderatione, ne exinde tumultus suscitentur: porro ad hoc respondebant Legati, quod ad omnem sollicitudinem impendendam, ut Aulæ Romanæ honor illæsus servaretur, parati sint, nec arbitrentur, hac in re Patres ipsis obluctaturos.

Secundo loco Papa eos hortabatur, ut tunc, cum aliquod, quod ad ipsos Romanos Pontifices attineret, sancien-
dum

dum esset Decretum, ipsius nomine fieret cum hac inscriptione, in multis Synodis usurpata: *Pius Papa IV. approbante Sacrosancta Synodo*: porro ad id respondebant Legati, eam inscriptionem non nisi, cum ipsi Pontifices adessent Conciliis, usurpatam fuisse, ac proinde eam, cum de illius usu Pauli III. tempore deliberaretur, post matura consilia tum a Pontifice, tum a Legatis esse prætermittendam, ut tumultus evitarentur: de cetero autem se persuasos dicebant, quod opus non esset, ut hæc quæstio proponeretur, cum ipsi tunc omnes Synodi Patres paratos cernerent ad tuendam Papæ auctoritatem.

Præter hæc Pontifex declarabat, quod ad Cruciatam in Hispania abrogandam sit propensus, ac proin velit, ut Hispanorum Præsulum nonnulli hanc rem in Concilio proponerent, ac Legati hoc propositum ratum haberent, citra tamen Regis Hispaniæ indignationem.

Dein Legatos excitabat Papa, ut alacri essent animo, nec sinerent se vicini magnanimitatis laude ab illis Legatis, qui Synodo interfuerant ætate Caroli V. per ea tempora armis prævalidi, qui simul etiam omnem suam operam illis exhibebat apud Principes ad quietem, tranquillitatemque Concilii.

Sæcul. XVI.
A.C. 1562.

Sæcul. XVI.
A.C. 1562

Ad hæc reponebant Legati: „oscu-
lamur quidem vestræ Sanctitatis pe-
des ob hujusmodi monita, nec unquam,
quamdiu vestra Sanctitas regnabit, ti-
moris causam reperiemus, atque o-
stendemus per quascunque rerum con-
ditiones, quantam in nostris animis
vim habeat studium pontificiæ aucto-
ritatis, & emolumentum Ecclesiæ, ut
quodvis humanum discrimen subire,
longeque animi magnitudine Pauli III.
Legatos superare parati simus. Por-
ro his verbis fugillabant ignaviam,
quam hi Legati satis testatam redde-
bant, quando de Synodo Bononiam trans-
ferenda agebatur.

Ceterum circa residentiæ articulum
Papa Legatis hæc significabat: „quo-
niam tanta inter Patres est opinio-
num dissensio, & æmulatio, ex duobus
mediis alterutrum arripi exopto, ut
vel disputatio sopiatur omnino, aut
tantisper protrahatur, dum æstu de-
fervescente de hac re cum majori ani-
morum tranquillitate deliberari possit,
ea proin ratione, quæ nec illis, qui cum
tanta animi elatione loquuntur, quasi
triumphum asfereret, nec ceteris, qui
ad pacem magis propensi sunt, animi
dejectionem asferret. „

Ad hæc rescripserunt Legati: „pri-
mum ex propositis consiliis perdiffi-
cile

„cile nobis videtur, sed de altero plu- Sæcul. XVI.
 „rimum sperare licet, si differretur illius A.C. 1562.
 „argumenti discussio, vel saltem ad tem-
 „pus rejiceretur, ubi de ordinis
 „Sacramento agendum esset. „ Enim-
 vero postremum ex his consiliis postea
 effectui datum est a Legatis.

Tandem Papa suis monitis finem
 imponens Legatos hortabatur, ut inter
 se, ac cum ceteris Episcopis arctam a-
 nimorum conjunctionem servare niteren-
 tur: cum autem his verbis perinde,
 ac si inter se discordes essent, illis ex-
 probrare videretur, hinc respondebant
 Legati: „videtur nobis, fieri non posse,
 „ne ibi, ubi diversæ sunt Nationes, di-
 „versæ interdum opiniones audiantur:
 „id quoque nobis ipsis quandoque con-
 „tigerat: inde vero neutiquam adver-
 „sa voluntas, aut remissius studium pro
 „tuenda Sedis Apostolicæ auctoritate
 „in nobis fuit, cum omnes ad ean-
 „dem metam concordēs tenderemus,
 „nimirum ad Ecclesiæ emolumentum,
 „ad quod aliam alius viam aptius duce-
 „re existimabat: hinc nullam inde mo-
 „lestiam Sanctitas sua capiat. „

§. V.

*Papæ consilium de revocandis veteri-
 bus Legatis, novisque Tri-
 dentum mittendis.*

A 4

Sum-